

憑淵宋公刻象葉以亂真公輸飛木鷁之翩翩離朱
覲毫芒於百步賁獲効膂力於萬鈞越人揣鍼以蘇
死豎亥超迹於累千郢人奮斧於鼻聖仲都袒身於
寒天此皆周孔所不能為也復可以為無有乎若聖
人誠有所不能則無恠於不得僊不得僊亦無妨於
為聖人聖人偶所不閑何足以為攻難之主哉聖人
或不可同去留任自然有身而不私有生而不營存
亡任天長短委命故不學僊亦何恠也

道意卷第九

守二

抱朴子曰道者涵乾括坤其本無名論其無則影響

志者子曰
此篇論道
意猶禁天
祇持一端
而後以祇
持無益教
人數字相
發明之

言命不
在遠在
身心中
之而非
持于神
之謂能
祐也道
命之本
根

猶為有焉論其有則萬物猶為無焉隸首不能計其
多少離朱不能察其髮髯吳扎晉野竭聰不能尋其
音聲乎窈冥之內**獬豸**猪疾走不能迹其朕兆乎
宇宙之外以言乎邇則周流秋毫而有餘焉以言乎
遠則彌綸太虛而不足焉為聲之聲為響之響為形
之形為影之影方者得之而靜圓者得之而動降者
得之而俯昇者得之以仰強名為道已失其真况乃
復千割百判億分萬析使其性號至於無垠去道遼
遼不亦遠哉俗人不能識其太初之本而修其流淫
之末人能淡默恬愉不染不移養其心以無欲頤其